

醫

貫

砭

醫貫砭卷上

吳江徐靈胎泐溪著

男 熾鼎

十二官論

心者君主之官也神明出焉肺者相傳之官治節出焉肝者將軍之官謀慮出焉膽者中正之官決斷出焉膻中者臣使之官喜樂出焉脾胃者倉廩之官五味出焉大腸者傳道之官變化出焉小腸者受盛之官化物出焉腎者作強之官伎巧出焉三焦者決瀆之官水道出焉膀胱者州都之官津液藏焉氣化則能出矣凡此十二官者不得相

失也故主明則下安

王明主字緊頂上文主字來下文何得云別有一主

以此養生

則壽殁世不殆以為天下大昌主不明則十二官危使道

閉塞而不通形乃大傷以此養生則殃以為天下者其宗

大危戒之戒之至道在微變化無窮孰知其原審乎哉消

者懼瞿孰知其要閔閔之當孰者為良恍惚之數生於毫

釐毫釐之數起於度量千之萬之可以益大推之大之其

形乃制

此書專為八味六味而作欲表章二方必先講明所以然之故徧閱經文並無其說只有心主之官

一語又是斷斷不可用二方者只得將命門二字增入然後二方可為十二官之主藥其作偽之心如此

玩內經註文即以心為主愚謂人身別有一主非心也

口

卽闢內經此乃邪說之根謂之心主之官當與十二官平等不得獨尊

心之官爲主若以心之官爲主則下文主不明則十二官

危當云十一官矣此理甚明何註經者昧此耶明明說君

之稱矣何以不得尊之其曰十二官危者蓋主不明則心

亦自病也若曰十一官則主不明之病反不在內於義爲

不備蓋此一主者氣血之根生死之關十二經之綱維也

或問心旣非主而君主又是一身之要然則主果何物耶

何形耶何處安頓耶余曰悉乎問也若有物可指有形可

見人皆得而知之矣惟其無形與無物也故自古聖賢因

心立論而卒不能直指其實因心立論仍是說心不是說

命門也據爾言則從古聖賢

皆以命門立論矣

孔門之一貫上紹精一執中之統繼曾子子貢

得其傳而二子俱以心悟而非言傳也設以言傳當時門

人之所共聞不應復有何謂之問也後來子思衍其傳而

作中庸天命之性以中為大本而終於無聲無臭孟子說

不動心有道而悞於浩然之氣而又曰難言

人因外感而傷而生

疾病用草木金石之藥補之瀉之寒之熱之其氣此

乃極平常之理偏要說到四書六經談性談命傳道等語

與疾病何涉即內經所云司天運氣義極精微亦不過指六淫之氣感人耳何嘗大言欺人耶

經云谷神不死是曰玄牝玄牝之門造化之根又曰恍恍惚惚其中有物佛氏心經云空中無色無受想形識無眼

耳鼻舌身意又曰萬法歸一一歸何處夫一也中也性也
浩然也立也空中也皆虛名也不得已而強名之也立
言之士皆可以虛名著論至於行醫濟世將以何味的爲
君主之藥而可以綱維一身之疾病耶此段乃其邪說之所從出其云一貫
大本難言萬法歸一皆暗指命門爲言則古聖賢道統之傳並與心上毫無干涉祇是傳此腎中命門之訣而入味
六味二方乃是一貫大本難言萬法歸一之補藥此等怪論自開闢以來未之或有小人之欺世至於此極而粗通
文理之人觀之不但不可怪且以此人爲真知孔孟之學者亦大可怪矣

腎有二精所舍也生於脊脊十四椎下兩旁各一寸五分
形如豇豆相並而曲附於脊外有黃脂包裹裏白外黑各

有帶二條上條係於心包下條過屏翳穴後趨脊骨兩腎

俱屬水但一邊屬陰一邊屬陽越人謂左為腎右為命門

非也命門即在兩腎各一寸五分之間此本舊說然亦影

經全不當一身之中易所謂一陽陷於二陰之中內經云

七節之旁有小心是也名曰命門是謂真君主內經何不

君主之乃一身之太極無形可見既云小心兩腎之中是

其安宅也按內經並無命門之說惟靈樞根結篇云太陽

云命門者目也素問陰陽離合論云太陽根於至陰結於

命門王啓立註云命門者藏精光照之所則兩目也經文

所指命門皆以目言蓋以目為五藏六府精氣所注故曰

命門又門者出入開闔之地目之精光內瑩外照而啓閉

隨時於門字義為切若腎中一點真陽而謂之門義亦不合其右旁有一小竅即三焦

內經明云上焦如霧中焦如漚下三焦者是其臣使之官

焦如瀆乃指腎旁小竅杜撰不倫經云三焦者決瀆之官膈中者臣使之官前段明明稟命

引過今乃以三焦為命門臣使之官何顛倒如是而行周流於五藏六府之間而不息名曰相火相者言如

天君無為而治宰相代天行化此先天無形之火與後天

有形之火不同決瀆之官如何代天行事且其左旁有一

小竅乃真陰真水氣也亦無形火無形猶可水如何說無形且真字乃對假而言以

三焦及此竅為真火真水將火假水耶且前竅名三焦此竅又名何物邪火腎水為假上行夾脊至

腦中為髓海泌其精液注之於脈以榮四末真陰之氣所必者何物之

精液且何以見得必
從髓海中到四末
內注五藏六府以應刻數亦隨相火

潛行周身與兩腎所主後天有形之火不同
按靈樞營衛生會篇論中

焦云此所受氣者泌精粕蒸津液化化其精微上注於肺脈

乃化而為血以奉生身莫貴於此故獨得行於經隧命曰

營氣又云上焦亦與營俱行於陽二十五度行於陰二十

五度一周也經文鑿鑿皆指營氣而言今乃移作腎中水

氣杜撰不倫顛倒

錯亂真謬語也
但命門無形之火在兩腎有形之中為

黃庭無形之火前指三焦今又指命門故曰是誰五藏之真惟腎為根腎為

五藏之真何物為五藏之假耶褚齊賢云人之受胎始於任之兆惟命門

先具有命門然後生心心主血有心然後生肺肺主皮毛

有脾然後生腎腎主骨髓有腎則與命門合二數備是以

腎有兩岐也

前云命門在中腎在兩旁今又引腎與命門合爲二仍是左右對待之義前後交離如此

可見命門爲十二經之主腎無此則無以作強而技巧不

出矣膀胱無此則三焦之氣不化而水道不行矣

膀胱與三焦繫

然兩府云膀胱無命門則三焦不化如何接續

脾胃無此則不能蒸腐水穀而五

味不出矣肝膽無此則將軍無決斷而謀慮不出矣大小

腸無此則變化不行而二便閉矣心無此則神明昏而萬

事不能應矣

將君主之官亦退而聽命於命門尚是當君主之稱耶

此所謂主不明

則十二官危也

此所謂三字竟鑿然以內經亦以命門爲主無忌憚已極

余有一譬焉

譬之元宵之熬山走馬燈拜者舞者飛者走者無一不具

其中間惟是一火耳火旺則動速火微則動緩火熄則寂

然不動而拜者舞者飛者走者軀殼未嘗不存也

走馬燈中之物

皆是死物所以惟恃火氣衝突機關而動若五藏六府各有生氣豈專恃命門耶惟其視五藏六府皆爲死物所以

後文別無治五藏六府之方專恃一味九治五藏六府之病其根皆在此也

八故曰汝身非汝所

有是天地之委形也

引莊子語亦與上文不接

余所以諄諄必欲明此

論者欲世之養身者治病者的以命門爲君主而加意於

火之一字

養身補火已屬偏見况治病必視其病之所由生而一味補火豈不殺人乎

夫旣曰

立命之門火乃人身之至寶何世之養身者不知保養節

欲而日夜戕賊此火

不節欲亦非專於戕賊此火倘以斷喪之人一概補陽又爲殺人之術矣

既病矣治病者不知溫養此火而日用寒涼以直滅此火

焉望其有生氣耶

治法多端原不是專用寒涼亦不是專於補火也

經曰主不明

則十二官危以此養生則殃戒之戒之余今直指其歸元

之路而明示其命門君主之火

命門竟指為君火真千古之怪論

乃水中

之火相依而永不相離也

永不相離何以有上越之病耶

火之有餘緣真

水之不足也毫不敢去火只補水以配火壯水之主以鎮

陽光

上文俱為八味作地步又恐遺却六味此處忽然轉出水不足之論邪說害人其苦心亦如此所謂作偽

心勞

火之不足因見水之有餘也

水有餘之病不知是何形象若是虛寒等證不

得為水之有餘若是水腫等證亦不得專於補火總是欺人之大言殺人之捷徑耳

亦不必瀉水就

於水中補火益火之原以消陰翳所謂原與主者皆屬先天無形之妙非曰心爲火而其原在肝腎爲水而其主屬肺蓋心脾腎肝肺皆後天有形之物也須以無形之火配無形之水直探其君主之穴宅而求之是謂同氣相求

文理

不斯易以入也所謂知其要者一言而終也若夫風寒暑

濕燥火六者入於人身此客氣也非主氣也主氣固客氣

不能入

六淫未入之先專一用補服八味六味無甚害若六淫既感邪已傷正仍一概用二方則非補主氣

反補邪氣矣能不殺人耶且無病之人亦何必服藥既服藥則必視人之氣體如何而後製方亦何得專用二方也

今之談醫者徒知客者除之漫不加意於主氣何哉縱有

言固主氣者專以脾胃為一身之主焉知坤土是離火所

生而艮土又屬坎水所生耶

命門既是太極何以又屬坎若以坎論則坎水固屬腎而

離火又屬心仍

不關乎命門矣明乎此不特醫學之淵源有自聖賢道統

之傳亦自此不昧

將命門為道統言之自覺無恥耶

而所謂一貫也浩然

也明德也

假如孔子云參乎吾道是火孟子云吾善養吾火大學云在明明火豈不絕倒耶

立牝

也空中也太極也同此一火而已

太極是一團火有是理耶

為聖賢為

仙為佛不過克全此火而歸之耳小子之一論闡千古之

未明見者慎勿以為迂

仙佛我不能知若全此火即為聖賢真乃千古之怪論宜其自稱為

闡千古之未明也此篇之論專為盡天下之病皆用入

味而設便講出儒釋道三教之合一以見入味之不可不

用此等亂道無一字連貫稍通文理之人見之宜無不知其狂悖即使其醫道果精見此等議論亦并其醫道而疑之乃世之號為通文理者讀之反以為真知性命之理因此益信其醫學之精而八味竟不但為治病之藥實性命之所係一日不可廢者嗚呼吾憐趙氏尤憐讀趙氏之書而崇信之者其愚更勝趙氏百倍也

陽火 金

太極圖中之白圈相傳無二蓋陰陽未判謂之太極今於白圈之中先有黑白

○ 土

二點為一陰一陽之象然後生出太極來則是易中該云易有兩儀是生太極

陰水 木

矣太極圖可改則古聖之書何一不可改乎小人之無忌憚至於此極

繫辭曰易有太極是生兩儀周子懼人之不明而製為太

極圖 無極而太極無極者未分之太極也

惟其未分所以為太極豈

有未分之時為無極已分之時為太極太極已分則陰陽矣尚得為太極耶


太極者已分之陰

陽也既名陰陽則不可名太極矣蓋太極動而生陽靜而生陰豈有分爲陰陽而猶稱太極者性理之說原不足與此等無知妄人辨吾恐世之讀之者偶不經意卽爲所惑貽誤不小也

兩腎俱屬水左爲陰水右爲陽水

以右爲命門非也命門在兩腎中

○命門左邊小黑圈是真水之穴



右邊小白圈是相火之穴此一水

一火俱無形日夜潛行不息○兩



腎在人身中合成一太極

云兩旁俱是腎命門在中間雖非經督而其言尚有影響至分左爲陰水右爲陽水又陰水爲真水陽水爲相火又左一黑圈爲真水之穴右一白圈爲相火之穴種種杜撰支離眞屬謬語。按甲乙經脊骨十四椎下有命門穴臍下二寸亦有命門穴此穴名也非眞有物如小心者在脊骨之內爲太極也若穴而必有物可指將周身七百二十穴竟有七百二十如小心者耶

命門在人身之中對臍附脊骨自上數下則爲十四節自下數上則爲七節內經曰七節之旁有小心是也

此句出素問刺

禁論云高脊之上中有父母七節之旁中有小心王註云小心謂眞心神靈之宮室乃指心包言似得小字之意按靈邪客篇論云心者精神之所舍也其藏堅固邪勿能容也故諸邪之在心者皆在心之包絡可知心藏於內必有出入之處別有脂膜結聚於包絡之間形如小心似有此理鍼者中之卽有害故在刺禁之列並非表明小心卽命

門爲十二經之主也豈可因此刺禁中偶及之語遂以一
部內經專爲小心立論而天下之病專治小心則無不愈
乎卽晚村亦辨之云曰父母曰小心尊卑自見趙氏單據
此句是欲以小心爲父母之主也恐與經旨不合此晚村
一隙之明也

或又問曰如上所言心爲無用之物耶古之聖賢未有不
以正心養心盡心爲訓

與醫病
何干

而先生獨外心以言道恐

心外之道非至道也余曰子細玩經文自得之矣經曰神
明出焉則所係亦重矣豈爲無用哉盍不觀之朝廷乎皇
極殿是王者向明出治之所也乾清宮是王者向晦晏息
之所也指皇極殿而卽謂之君身可乎蓋元陽君主之所

以爲應事接物之用者皆從心上起經綸故以心爲主至
於棲真養息而爲生生化化之根者獨藏於兩腎之中故
尤重於腎其實非腎而亦非心也

云元陽爲君身心是皇極殿腎是乾清宮是君

身在皇極殿則不在乾清宮在乾清宮則不在皇極殿其理甚彰然則元陽到心則有心火而無腎火到腎則有腎火而無心火有心火之時腎惟一團陰頑之氣有腎火之時心遂爲空空蕩蕩之物向也以命門爲主今又以命門之君主卽心之君主心之君主卽命門之君主而心與命門皆是空器皆非君主前後背繆真乃隨口亂道非其人
有失心之疾者既不至如此猖狂也晚村
批云此段語甚活大抵呂氏之心先死也

呂氏評曰自許學士開補脾不如補腎之理薛院使因之

用八味六味通治各病

通治各病四字何等不通病是何物而可通治耶

趙氏又

從薛氏發明其要一歸之命門一歸之八味益火二字乃

全書之宗旨也其提開快當親切處有前此所未及者真

立齋之功臣矣

蘇氏所謂其父殺人報仇其子必且行切正此之謂也

顧病機傳變

輟轉相因治法逆從淺深異用趙氏所言皆窮原反本之

論撥亂救弊功用甚大

各病有各病之本原各病有各病之偏弊若一概用八味一方則正

大亂之道矣

然以之治敗證則神效

敗證亦有補瀉寒熱虛實上下之不同若一概用八

味則八味直是起死之金丹矣

而以治初病則多疎蓋緣主張太過立言

不能無偏遂欲執其一說而盡廢諸法亦不可行也學者

識其指歸以明生化斡旋之機又當詳考古今立法相因

異用之故斯爲十全若徒喜其直捷簡易以爲高則齒莽
滅裂天枉無窮亦非趙氏所以濟世之心也此人直是欺世亦何嘗有
濟世之心且彼亦並不料世之盡爲所欺至於如此之貽害量彼亦深悔於九原也

陰陽論

陰陽之理變化無窮不可盡述姑舉其要者言之夫言陰
陽者或指天地或指氣血或指乾坤此對待之理其實陽
統乎陰天包乎地血隨乎氣故聖人作易於乾則曰大哉
乾元乃統天於坤則曰至哉坤元乃順承天古人善體易
義治血必先理氣血脫益氣故有補血不忌四物湯之論

四物湯本爲補血而設謂不如血虛發熱立補血湯一方得專用則可謂不用則不可如黃芪一兩爲君常歸四錢爲臣氣藥多而血藥少使陽生陰長又如失血暴甚欲絕者以獨參湯一兩頓煎服純用氣藥斯時也有形之血不能速生幾微之氣所當急固使無形生出有形用血驟脫者氣亦隨之而脫勢極危殆故用補血之品以填之生之非謂一時之氣卽能生血也卽氣固之後仍當大補其血而以氣藥佐之亦非專補氣也蓋陰陽之要原根於無也故曰無名天地之始忽引老子語甚覺無倫生死消長陰陽之常度豈人所能損益哉聖人裁成天地之化輔相天地之宜每寓扶陽抑陰之微權方復而

先憂七日之來未濟而預有衣裯之備

血脫之後陰已大虧尚欲抑之必使

全然無陰而後已耶且既欲抑之又何必補氣以生之蓋扶陽抑陰又是一義非補氣不補血之謂若云聖人扶氣抑血成何語耶總之此人心理已絕凡所引證皆全

然不思隨口亂道本無足責所恨者崇信之人耳

然而治未病也現在血脫而將死此時救之不暇便欲防其血太盛而成他病耶

神農營

藥按陰陽而分寒熱溫涼辛甘酸苦鹹之辨凡辛甘者屬

陽溫熱者屬陽寒涼者屬陰酸苦者屬陰陽主生陰主殺

司命者欲人遠殺而就生甘溫者用之辛熱者用之使其

躋乎春風生長之域一應苦寒者俱不用

神農本草上品藥中寒熱相半

內經論司氣勝復宜寒宜熱亦相半歷古以來所傳養生方中寒熱溫涼亦間雜互用此有目所共見乃敢肆然曰

一應皆寒俱不用此真喪心之語據所云則神農本草宜只收溫熱諸品其餘俱編入毒藥條內禁用可也要之服藥原是治病無病本不必服藥內經云五穀為養五果為助五菜為充五藥攻邪凡藥用之不貴而或太過皆有毒故古人謂人參甘草皆能殺人惟六淫七情有偏勝則以藥救之且內經云寒者熱之熱者寒之溫者清之清者溫之何等明白乃不問病之何因而特苦寒不用至於涼一概禁寒用熱能不十殺其五耶

者亦少用蓋涼者秋氣也萬物逢秋氣不長矣

服藥原為治病而設

並非藉以生長氣血也

天上地下陰陽之定位然地之氣每交於上天之氣每交於下故地天為泰天地為否聖人參贊天地有轉否為泰之道如陽氣下陷者用味薄氣輕之品若柴胡升麻之類

舉而揚之使地道左旋而升於九天之上陰氣不降者用
感秋氣肅殺而生若瞿麥扁蓄之類抑而降之使天道右
旋而入於九地之下此東垣補中益氣湯萬世無窮之利
不必降也升清濁自降矣動筆便自相背繆據云地天爲
泰天地爲否則宜乎陽降而陰
升矣乃反欲升陽而降陰是欲反泰爲否也據云瞿麥扁
蓄降濁降陰於九地之下又云不必降也升清而濁自降
矣種種背繆總是以太吉欺人全不思其中義理所以
如此須知轉否爲泰何等關係而僅以升柴壘扁當之本
無是理且補中益氣湯不過因胃陽因濕下
陷以此提出陽分耳不必著此大話頭也

年月日時皆當各分陰陽此其大略也獨甲子運氣內經
雖備言之往往不驗當時大撓作甲子卽以本年本月本

日本時爲始統紀其數如此未必直推至上古甲子年甲

子月日時爲曆元也

將千古聖人不易之論竟決然斷定指爲無稽之談爾知上古甲子確是

何年何月大撓且不足憑誰爲可憑者耶小人之無忌憚固不足責讀者見此等荒唐而不駭亦有喪心之疾者也

內經特明氣運有如許之異民病亦有如許之別如此讀

內經者不可執泥譬如大明統曆選擇已定

竟將千古陰陽家言及選

擇祿命占候等書一味抹殺翻覺痛快細思之不能不啞然失笑也

可信乎不可信乎

陽一而實陰二而虛蓋陰之二從陽一所分故曰秉全體

月有盈虧人之初生純陽無陰賴其母厥陰乳哺而陰始

生

如此說則小兒止有命門並無左腎直待乳哺足方生出左腎來蓋純陽無陰者謂小兒正當發生之時秉初

陽之氣生氣極旺猶如四時之春陽氣方張不必更助其陽非謂其體中全無陰氣也何得批合

子二八而精始通六十四而精已竭女子二七而經始行

四十九而經已絕人身之陰止供三十年之受用可見陽

常有餘陰常不足

前段要扶陽抑陰此處又要扶陰抑陽總是隨口亂道

况縱慾者

多節慾者少故自幼至老補陰之功一日不可缺此陰字

指陰精而言不是泛言陰血今之四物湯補陰者誤也

補血

亦有時必用何以必不可補蓋補陰補血補精確是三項事補陰不專指精血言而精血則皆屬陰也此段議論專

要放出六味來所以作此地步

談陰陽者俱曰氣血是矣詎知火爲陽氣之根水爲陰血

之根

易有太極是生兩儀兩儀生四象則五行乃陰陽所分豈有水火反爲陰陽之根者

盡觀之天

地間日爲火之精故氣隨之月爲水之精故潮隨之然此陰陽水火又同出一根朝朝稟行夜夜復命周流而不息相偶而不離惟其同出一根而不相離也故陰陽又各互爲其根陽根於陰陰根於陽無陽則陰無以生無陰則陽無以化從陽而引陰從陰而引陽各求其屬而窮其根也世人但知氣血爲陰陽而不知水火爲陰陽之根能知水火爲陰陽而誤認心腎爲水火之真此道之所以不明不行也試觀之天上金木水火土五星見在而日月二曜所

以照臨於天地間者非真陰真陽乎

內經之論陰陽極爲明白曰陰陽者天地

之道也萬物之綱紀變化之父母生殺之本始神明之府也又曰陽化氣陰成形又曰水爲陰火爲陽又曰陰勝則陽病陽勝則陰病又曰陰陽者氣血之男女也左右者陰陽之道路也水火者陰陽之徵兆也陰陽者萬物之能始也故曰陰在內陽之守也陽在外陰之使也其言陰陽也詳而且明故五臟合言之則心肝脾陽而肺腎陰分言之則五臟各有陰陽惟腎有兩則左屬水而爲陰右屬火而爲陽人之元氣藏於腎中腎之陰陽必宜保護不宜戕賊比諸臟爲尤重何等明白乃幻成真假無形有形根源太人極等語其說愈微妙愈俚鄙荒唐意在欺世實自欺耳

身心肝脾肺腎五行具存而所以運行五藏六腑之間者

何物乎有無形之相火行陽二十五度無形之腎水行陰

亦二十五度

行陽行陰內經指營衛言詳見前

而其根則原於先天太極

之真此所以爲真也一屬有形俱爲後天而非真矣非根

矣謂之根如木之根而枝葉所由以生也

如此說則八味六味之能補真

陽真陰竟是補太極矣嗟乎五臟六腑孰非有形之體草根木皮亦孰非有形之物不過氣性各殊借以補偏救弊耳何必過高其論自投魔境乎

既有真陰真陽何謂假陰假陽曰此似是而非多以誤人不可不知如人大熱發躁口渴舌燥非陽證乎余視其面色赤此戴陽也切其脈尺弱而無力寸關豁大而無倫此係陰盛於下逼陽於上假陽之證余以假寒之藥從其性而折之頃刻平矣如人惡寒身不離複衣手足厥冷非陰

證乎余視其面色滯切其脈濇按之細數而有力此係假寒之證寒在皮膚熱在骨髓余以辛涼之劑溫而行之

汗而愈

此亦有不
可汗者

凡此皆因真氣不固故假者得以亂其

真

陰盛格陽陽盛格陰此病變之不同何得指
真為真氣不固此亦專欲為用八味地步耳

假陽者不

足而示之有餘也假陰者有餘而示之不足也

此假字又
與前真字

不對前所云真者謂先天真元之氣非後天及諸臟之氣
耳此乃以陰盛似陽陽盛似陰之證對真而言則前所云
真乃指熱為實熱寒為實寒也不荒謬之甚乎總之既已
真字本不通之至一身之中原無所謂假陰假陽也

識其假矣而無術以投其欲彼亦扞格而不入經曰伏其

所主而先其所因其始則同其終則異可使去邪而歸於

正矣

五行論

以火言之有陽火有陰火有水中之火有土中之火有金中之火有木中之火陽火者天上日月之火生於寅而死於酉陰火者燈燭之火生於酉而死於寅此對待之火也水中火者霹靂火也卽龍雷之火無形有雷卽有電何謂無形而有聲不焚草木得雨而益熾見於季春而伏於季秋原夫龍雷之見者以五月一陰生水底冷而天上熱龍爲陽物故隨陽而上升驚蟄改後龍已漸升何待五月欲遷就已說遂不顧義理如此冬至一陽來

復故龍亦隨陽下伏

然則冬至已前一陽未生水底終日寒冷龍竟日日上耶豈非笑談

雷亦收聲人身腎中相火亦猶是也平日不能節慾以至

命門火衰腎中陰盛

不節慾有傷陰者有傷陽者何得專指為火衰若云陰盛則精脫者必陰

虛豈有陰反盛者耶

龍火無藏身之位故遊於上而不歸是以上焦

煩熱咳嗽等證善治者以溫腎之藥

煩熱咳嗽明係陰虛溫腎藥豈可亂投

從其性而引之歸原使行秋冬陽伏之令而龍歸大海此

至理也奈何今之治陰虛火衰者以黃柏知母為君而愈

寒其腎益速其斃良可悲哉

滋陰以治虛火苦寒以治實火此一定之法至庸醫之誤

治原非正法也

金中火者凡山中有金銀之礦或五金埋瘞之處夜必有

火光

此金氣非火光也

此金鬱土中而不得越故有光耀發見於

外人身皮毛空竅中自覺針刺蚊咬及巔頂如火炎者此

肺金氣虛火乘虛而現肺主皮毛故也

肺家之火何得專屬皮毛凡咳嗽聲

啞而熱氣悶肺痿肺癰吐血消渴種種

大證皆是肺火之證而乃遺却何故

經曰東方木實因

西方金虛也

既曰肺火何以及曰肺虛

補北

方水即所以瀉南方火雖

曰治金中之火而通治五行之火無餘蘊矣

金中之水礦中之水銀是也

水也

銀乃未成之金何得指之為水

在人身為

骨中之髓至精至貴人之寶也

木中水者巽木入於坎水

而上出其水即木中之脂膏

巽木入坎水乃是井卦之象
木中之水耶然則凡井中

之水皆木中之脂膏耶欲欺

人而又不深思遂亂道如此
人身足下有湧泉穴
湧泉屬腎何以

指為水

中之水肩上有肩井穴此暗水潛行之道凡精液潤布於

皮膚之內者

皮膚之內亦非水中之水

皆井泉水也夫水有如許之不

同總之歸於大海天地之水以海為宗人身之水以腎為

源而其所以能晝夜不息者以其有一元之乾為太極耳

元之乾為太極試看此七字有一字連貫否
醉生夢死之人談理談性本不足與辨特無恥已極為可厭耳

水中之五行也明此水火之五行而土木金可例推矣

中風論

中風之疾愚意謂邪之所湊其氣必虛外感者間而有之

間字當作五百年間出之間當專主虛論不必兼風明明說是

中風乃非但云不盡是風并云不必兼風當時聖人何不竟云純虛之證反將五百年間出之病立為名號使人因名責實竟作風病治誤人不淺耶譬如論中暑病而曰不必兼暑中寒病而曰不必兼寒即有之亦五百年間出之事豈成說話乎蓋真中風則專以風治類中風則病各有因視其所感何因而分別治之何等明白穩當要其意專欲以八味六味二方治此病則不得不先以此病為純虛之證也是何肺腸

河間東垣治中風專治本而不治風可謂至常不易之論

既名中風又專治本而不治風則是本原虛弱之病不是中風矣況劉李之書其在雖各有所偏並無專治本不治風之說豈可誣之學者必須以陰虛陽虛為主自後醫書雜出使

後學狐疑不決

陰虛用六味陽虛用八味自古並無以此二方治中風者

何嘗醫書雜出之後始不

專用二

方耶

或問人有半肢風者必須以左半身屬血右半身屬氣豈

復有他說乎曰未必然人身勞中分陰陽水火男子左屬

水右屬火女子左屬火右屬水男子半肢風者多患左女

半肢風者多患右即此觀之可見以陰虛為主

左右一定之位

何嘗以男女而別蓋左屬陽而右屬陰男陽女陰故病亦分屬然亦非盡如此者若以此爲一定之病則男子患右

女子患左者

又何說耶

或問曰當此之時小續命湯可用乎曰未必然小續命湯

此仲景金匱要略治冬月直中風寒之的方即麻黃桂枝

之變方也

此又亂道直中風寒四字已屬不接冬月二字

下乃風痺風痲之風與麻黃桂枝治傷寒傷風者何涉其方下註云治中風痲身不能自收口不能言冒昧不知痛處或拘急不得轉側何等明白曾不一見耶

便可按方統用其全方也

中風之證雖亦有各經之殊然亦不過有一二現證豈如傷寒

之鑿鑿可分者加減法皆後人所擬非金匱原方所有也如太陽無汗於本方中倍麻

黃杏仁防風如有汗惡風於本方中倍桂枝芍藥杏仁如

陽明無汗身熱不惡風於本方中加石膏

無汗不得用白虎何得反用石

膏

知母甘草有汗身熱不惡風於本方中加葛根

有汗不可更發

何得反桂枝黃芩如太陽無汗身涼於本方中加附子乾
用葛根薑甘草少陰經中有汗無熱於本方中加桂枝附子甘草
凡中風無此四證六經混淆係於少陽厥陰或肢節攣痛
或麻木不仁每續命湯八兩加羌活四兩連翹六兩此係
六經有餘之表證須從汗解如有便溺阻隔宜三化湯或
局方麻仁丸通利之雖然邪之所湊其氣必虛世間內傷
者多外感者少間而有之既云邪之所湊則非外感而何此方終不可
輕用

考補小續命湯

麻黃 人參 黃芩 白芍 防己 桂枝 川芎

防風 甘草 附子 杏仁 石膏 當歸

傷寒論

傷寒專祖仲景凡讀仲景書須將傷寒與中寒分爲兩門

始易以通曉

傷寒從來無人以中寒併爲一病者卽同一傷寒亦有傷風傷寒之不同况本屬兩病耶

爲因年久殘缺補遺註釋者又多失次錯誤幸歷代考證

者漸明逮陶節菴六書吳綬蘊要二書刊行而傷寒之理

始著

二書却是自開簡便門戶不足以發明仲景仲景書細讀本自了然也

予於至理未暇

詳辨先將傷寒中寒逐一辨明庶不使陰陽二證混亂

此中

寒其意蓋指直中陰經之傷寒言若雜證之中寒別是一病非傷寒也非直中也乃寒邪太甚入於肌膚血脈或內連臟腑陽氣為寒氣所束不能和通現種種畏寒等證不依經傳變亦不必盡在冬月此感冒之至重者其法以溫中散寒為主亦不得驟用辛熱之藥使

寒氣與熱氣相爭而無出路則立死矣夫傷寒治之得其綱領不難也若求之多岐則支離矣先以陽證言之夫既

云傷寒則寒邪自外入內而傷之也其入則有淺深次第

自表達裏先皮毛次肌肉又次筋骨

傷寒之病不入筋骨

腸胃此其

漸入之勢然也若夫風寒之初入必先太陽寒水之經便

有惡風惡寒頭痛脊痛之證寒鬱皮毛是謂表證

三陽皆是表證

何獨以太陽為表若在他經則無此證矣

三陽亦有兼證

脈若浮緊無汗

爲傷寒以麻黃湯發之得汗爲解浮緩有汗爲傷風用桂枝湯散邪汗止爲解桂枝湯非止汗之藥乃解肌之藥也傷風自汗乃邪汗汗雖出而熱仍不止故用桂枝湯和其營衛仍令微微出汗而解此謂之正汗但不若麻黃之發汗爲稍甚耳若云汗止則桂枝反爲止汗之藥邪風將何從出耶若無頭疼惡寒脈又不浮此爲表證罷而

在中者何表裏之間也乃陽明少陽之分脈不浮不沉在乎肌肉之間謂皮毛之下也然有二焉若微洪而長卽陽明脈也外證鼻乾不眠用葛根湯以解肌脈弦而數少陽脈也其證脇痛耳聾寒熱往來而口苦以小柴胡湯和之蓋陽明少陽不從標本從乎中治也若有一毫惡寒尚

在表雖入中還當兼散邪過此爲邪入裏爲實熱脈不浮
不沉沉則按至筋骨之間方是若脈沉實有力外證不惡
風寒而反惡熱譫語大渴六七日不大便明其熱入裏而
腸胃燥實也輕則大柴胡湯重則三承氣湯大便通而熱
愈矣以陰證言之若初起便怕寒手足厥冷或戰慄倦臥
不渴兼之腹痛嘔吐泄瀉或口出涎沫面如刀刮不發熱
而脈沉遲無力此爲陰證上文說三陽經證此處便當接三陰傳變之證乃不竟其說反
以言中陰經之不從陽經傳入熱證治例直中陰經固宜
證當之何也
陽經傳入三陰之證其間熱極宜涼者固多如上文諸寒
證亦復不少即下文理中黃附等湯皆仲景治陽經傳入

陰經之方未嘗為直中陰經設也 更當看外證如何輕則理中湯重則薑

附湯四逆湯以溫之由此觀之可見傷寒者由皮毛而後

入腑臟初雖惡寒發熱而終為熱證傳人三陰亦非盡熱證矣其人必

素有火者有火之人卒遇大寒何嘗無中寒之病中寒者直入臟腑始終惡

寒而並無發熱等證其人必無火者無火之人熱邪入裏何嘗無極熱之證若

如此則仲景當時著傷寒論不必細細分別祇問其人之素體而寒熱立辨矣豈非設語耶一則發表

攻裏一則溫中散寒兩門判然明白何至混雜使人疑誤

耶此則以傳經為陽證直中為陰證至傳經之三陰證則耶置而不論豈傳經即直中耶抑三陰宜溫之證亦陽證耶

耶蒙混

已極

桂枝湯 治太陽經傷風發熱自汗惡風 桂枝 芍藥

甘草

桂枝湯中薑棗為至要之品成無已註云以甘緩之以辛散之是也開卷第一方而五味之中遺去

二味何耶

葛根湯 赤芍 葛根 蔥白 生薑 桂枝 麻黃

甘草

大棗

古時芍藥赤白不分而傷寒方亦從無用赤芍者彼之故白為赤者蓋俗醫每以白芍為

收斂之品不宜用於疎表之力也然則桂枝湯亦用赤芍耶○葛根湯中並無蔥白傷寒論中惟少陰經中白通湯

等三四方溫經散邪治陽明胃經目痛鼻乾不寐如有惡用之與陽明無涉也

寒證本方加麻黃 惡風加桂枝 如正陽明肺病不惡

寒有汗而渴 當用白虎湯

正陽陽明肺病是胃家實也承氣湯主之仲景論之甚明若白

虎則治陽明經汗出煩渴之證與肺病迥別此最大關節經文鑿鑿誤治立死矣

小柴胡湯 治少陽胆經耳聾脇痛寒熱往來口苦 柴

胡 黃芩 甘草 小柴胡只載三味遺去人參半夏枳實

得各專以有人參也用大黃則為大柴胡矣今去人參已失原方之義况并去半夏之辛散以治煩嘔去薑棗之甘辛以和營衛而只此三味何以治少陽諸證耶 此經無山人路不可汗下止有此

湯和解之如兼陽明證本方加葛根芍藥如尚有惡寒等

證用大柴胡湯 惡寒則病尚在表大黃豈可兼表兼下

大柴胡湯 表證未除而裏證又急汗下兼行 柴胡

黃芩 芍藥 半夏 人參 大黃 枳實 大柴胡本無

人參偏加大

人參小柴胡原有人參偏去
人參變亂古方是何肺腸

白虎湯

治身熱大渴而有汗脈洪大者如無渴者不可

用此藥為大忌倘是陰虛發熱服之者死若五六月暑病
者必用此方又當審其虛實 石膏 知母 甘草 人

參 竹葉

糯米

此又蒙混之極者白虎湯治陽明外熱
之證祇有石膏知母甘草粳米四味至

煩渴甚者用白虎加人參湯又是一方至於人參竹葉同
用又是竹葉石膏湯中之藥俱不得竟指為白虎湯也至
以糯米粳
尤為不典

小承氣湯

治六七日不大便腹脹滿悶病在太陰無表

證汗後不惡寒潮熱狂言而喘者

此又大誤害人者太陰
病皆屬寒邪傷寒太陰

全篇無純用寒下之法卽有用大黃者亦與桂枝同用謂之溫下一用寒涼必斃此第一大關節也乃以此爲太陰之藥是不誤極蓋小承氣乃陽明正藥正與太陰相反况太陰病豈有汗後潮熱狂言等證真乃自得其法發此狂也
大黃 厚朴 枳實

大承氣湯

治陽明太陰譫語

太陰無用承氣法辨在前

五六日不大

便腹滿煩渴并少陰舌乾口燥目瞖發熱

少陰並無目瞖發熱之證目瞖

發熱者陽明也脈沉實者

大黃

厚朴

枳實

芒硝

四逆散

治陽氣亢極

此是熱邪漸深至於少陰壅遏經絡故用此以宣通之若云陽氣亢

極則惟有急下之法四逆諸品何能愈之故成無己云邪在三陽則手足熱在大陰則手足溫在少陰則手足微手足逆而不溫也用四逆散以散傳經之熱此爲正解血脈不通四肢厥逆在臂脛之

下若陰證則上過乎肘下過乎膝以此為辨也 柴胡

芍藥 甘草 枳實

仲景傷寒論中諸方字字金科玉律不可增減一字猶之錄六經四子語豈可擅自刪改將杜撰之語亂入耶惟臨病增減未嘗不可因證出入若抄錄古方先為變易仍指為某方則大亂之道矣此人凡引錄唐宋諸方皆非原本其方本非聖經始不置辨乃漢以前諸方歷古無人改易一字而錯誤如此則後人以謠傳謬全失製方之義為害不小矣

初病無熱便四肢厥冷或胸腹中滿或嘔吐腹滿痛下利脈細無力此白陰證受寒即真陰證非從陽經傳來便宜溫之不宜少緩經云發熱惡寒者發於陽也無熱惡寒者

發於陰也治宜四逆湯

此又亂道之至者發熱二句傷寒論開卷即載乃指傷風傷寒而言

人人皆見何嘗以無熱句為陰證耶無熱惡寒乃太陽經宜麻黃湯發汗之證四逆湯乃太陰少陰經宜溫裏之證遠隔三四經將治宜四逆湯連屬上文治正相反一投即斃可恨極矣

只有微甚不同治難一槩腹痛不大便桂枝芍藥湯腹痛

甚桂枝大黃湯

此又殺人之術也仲景治太陰條中云大實痛者桂枝大黃湯主之此乃傳經熱邪

陷入太陰故兼表兼下若以之治直中純寒之證而用大黃則寒邪益陷而下脫其危可立待也若自利

腹痛小便清白宜溫中理中四逆看微甚用輕者五積散

重者四逆湯無脈者通脈四逆湯使陰退而陽復也

予又有說焉若讀傷寒書而不讀東垣書則內傷不明而

殺人多矣讀東垣書而不讀丹溪書則陰虛不明而殺人

多矣讀丹溪書而不讀薛氏書則真陰真陽不明而殺人

亦多矣

此又隨口亂道矣豈有仲景不知內傷東垣不知陰虛之理至真陰真陽則尤為邪說從古無真陰

真陽之論此乃薛氏有創之邪說已前諸公豈能預料後

世有創造邪說之人而先講明之耶蓋仲景論傷寒則說

傷寒傷寒中何得以內傷立論東垣論內傷則說內傷內

傷中何得以陰虛立論丹溪論陰虛則說陰虛陰虛中何

得以真假立論彼所謂真者指腎中之陰陽也然

謂五臟各有陰陽則可謂腎為真餘為假則不可東垣曰

邪之所湊其氣必虛世間內傷者多外感者間而有之此

間字當作五百年間出之間甚言其無外感也

明明云邪之所湊乃

云非外感則邪是何邪湊將安湊耶若五百年間出之間

則是千中無一直云內傷中無傷寒可矣何以又入傷寒

見內 東垣脾胃論與夫內傷外感辨深明飢飽勞逸發熱耶

等證俱是內傷悉類傷寒切戒汗下

東垣原指內傷之類傷寒者不可從傷寒

治並非指天下之傷寒皆內傷也引書失旨自誤誤人

以為內傷多外感少只須溫

補不必發散外感多而內傷少者溫補中少加發散以補

中益氣湯一方為主加減出入如內傷兼傷寒者以本方

加麻黃兼傷風者以本方加桂枝兼傷暑者本方加黃連

兼傷濕者本方加羌活

查東垣脾胃論調中益氣條下並無此等加減法不知出於何書當

時方法之亂原自東垣啓其端然尚不至如此之甚總之治病必求其本一病自有一方自然隨手皆效必立一法以治盡天下之病開簡便之路為下愚立法則必自陷於下愚之境蓋醫者人命所關固至難極重之事原不可令

下愚之人

實萬世無窮之利東垣特發明陽虛發熱之一

門也

陽虛發熱從來所無經云陽虛生外寒未聞陽虛反發熱者若陽虛外越之證則又是一類正與補中益

氣治法相反投

升柴即死也然世間真陰虛而發熱者十之六七亦與

傷寒無異

傷寒桂枝麻黃二證具在豈有陰虛發熱而類此者真怪談也

反不論及何哉

今之人一見發熱則曰傷寒須用發散發散而斃則曰傷

寒之法已窮奈何豈知丹溪發明之外尚有不盡之旨乎

予嘗於陰虛發熱者見其大熱面赤口渴煩躁與六味地

黃大劑一服即愈

若係有外邪者服六味未必即死而病必無愈期余見此等誤治而遷延以死

者不可勝計所以痛心疾首而批此書若其偶愈者則必其邪氣甚微兼有浮火之人耳

如見下邵愚

寒足冷上部渴甚躁極或欲飲而反吐卽於六味湯中加

肉桂五味甚則加附子冷飲下嚥卽愈此陽虛之證附且原不禁用但或邪

氣未盡則熱地五味黃肉俱能胃邪爲害也且舉傷寒口渴一證言之邪熱入

於胃府消耗津液故渴恐胃汁乾急下之以存津液其次

者但云欲飲水者不可不與不可多與並無治法縱有治

者徒知以苓連知柏麥冬五味天花粉甚則石膏知母以

止渴此皆有形之水以沃無形之火安能滋腎中之真陰

乎若以大味地黃大劑服之其渴立愈何至傳至少陰而

成燥實堅之證乎口渴宜下有二證一則熱邪在陽明一則熱邪傳少陰下之所以驅邪使出也

若以熟地黃肉補之斂之安有不死者况六味為腎經滋補之藥當邪火未入少陰之時反引入少陰使邪氣斂藏而無出路從此之後雖小疾亦無愈期而多變證矣近日庸醫凡遇有邪而用此藥者以後百藥不效不咎其用六味之害反以為解用過六味而猶不效真絕證也嗚呼傷哉 既成燥實堅之證仲景不

得已而以承氣湯下之此權宜之霸術然諄諄有虛人老

弱人之禁故以大柴胡代之

八味湯即仲景之方也去桂附而為六味涼亦可深思而

得之乃計不出此而造承氣之霸術又自知此方之為害造大柴胡代之仍舊不離大黃等峻藥其幾誦仲景之愚昧誤人如此嗚呼下愚之無忌憚至於此極真病狂之人本不足與辨所以辨者為天下有一隙之明者亦為所惑而不陶氏以六一順氣湯代之豈以二湯為平易乎代之察也

而愈所喪亦多矣况不愈者十之八九哉

又一不知六味者

當時

若多用六味地黃飲子大劑服之取效雖緩其益無窮

傷寒死不久况陰虛發熱者小便必少大便必實其土證口

渴煩燥與傷寒無異云與傷寒無異則真非傷寒矣前後背謬如此彼之承氣者

不過因亢則害下之以承真陰之氣也真陰之氣如子今何承夢話也

直探其真陰之源而補之如亢旱而甘霖一施土木皆濡

頃刻為清涼世界矣何不可哉况腎水既虛矣復經一下

之後萬無可生之理如果腎虛之證則絕不是傷寒仲景從未嘗以承氣治虛勞如係傷寒則

仲景嘗曰用承氣亦不一矣竟無一生者耶慎之慎之吾為此懼故於補天要

論中詳言之

合而言之真知其為陽虛也則用補中益氣湯陽虛者最

害反用升柴以提之乃速之死也東垣製此方為胃陽下

陷而設非泛指陽虛也如此誤解即東垣亦不暇日於地

下真知其為陽虛直中也則用附子理中湯真知其為陰

虛也則用六味腎氣湯如有邪不得用真知其為陰虛無火也則

用八味腎氣湯有邪亦不得用其間有似陰似陽之假證也則用

寒因熱用之法從之不可少誤惟以補正為主不可攻邪

正氣得力自然推出寒邪汗出而愈前此迂說不辨邪之

直云不可攻邪竟不論何經傷寒只將六味八味二方大

劑與原使熟地桂附等發汗而愈將仲景當日一片苦心

千年奉為章程者一齊抹却下愚攻之一字仁人之所惡

之無忌憚至此而極可悲也夫

也養好家盜
仁政然乎

百戰百勝戰之善者也不戰而屈人之兵善

之善者也故曰善戰者服上刑

傷哉什景
殺無赦矣

呂氏曰正氣得力二句灼然妙理與景岳論參看更明白

然二字妙甚從東垣補中益氣論來

此等絕滅天理之談
獨有會心贊嘆如此

其肺腸亦
不可問矣

溫病論

治溫病者將如何予有一法經曰不惡寒而渴者是也不

惡寒則知其表無寒邪矣曰渴則知其腎水乾枯矣

溫病
非少

陰之證且渴者多屬陽
明何以知其必腎乾也

蓋緣其人素有火者冬時觸冒寒

醫貫砭

卷上

三

氣雖傷而亦不甚惟其有火在內寒亦不能深入所以不

即發而寒氣伏藏於肌膚

溫是天氣非指人之本體也如此說將無火之人入春便變為

寒病耶是何等人一定生何等病矣

自冬至三四月歷時既久火為寒鬱於

中亦久將腎水熬煎枯竭

從無外感之邪藏於腎中半年而發者

蓋甲子陽

木也藉癸水而生腎水既枯至此時強木旺無以為發生

滋潤之本故發熱而渴非有感冒也

明明說是冬時觸冒寒氣又云非有感冒

何前後矛盾也

海藏謂新邪換出舊邪非也

換字何等不通

若復有所感

表又當惡寒矣予以六味地黃滋其水以柴胡辛涼之藥

舒其木鬱隨手而應此方活人者多矣

柴胡為少陽散之藥加入腎經滋

補藥中將引六味入少陽耶將并柴胡納入少陰耶製方
之義已絕被曾駁人參不可入六味中乃柴胡反可入六
味真喪心之談也子又因此而推廣之凡久時傷寒者亦是鬱火

證既是傷寒

何云鬱火若其人無火則爲直中矣

有火者變爲溫病無火者便是直中

天下竟無傳經正傷寒矣且直中是至險之證豈可派定無火人必患此耶

惟其有火故由皮

毛而肌肉而腑臟

傷寒無不由皮毛入豈必有火之人爲然

者今人皆曰寒邪

傳裏寒變爲熱既曰寒邪何故入內而反爲熱又何爲而

能變熱耶不知卽是本身之火爲寒所鬱而不得泄一步

反歸一步日久則純熱而無寒矣所以用三黃解毒解其

火也升麻葛根卽火鬱發之也三承氣卽土鬱奪之小柴

胡湯木鬱達之也此理甚簡而易只多了傳經六經諸語

支離多岐

傷寒傳經之說自內經熱論及仲景傷寒論諸書相傳以來數千年守之不變淺學不能全窺

少有所誤非殺人即寡效然無有能出範圍者今乃敢肆然以為無傳經六經等法且譏訕古聖以為支離多岐此天理絕滅之談原無足辨但恐世之崇信者終無悟日故又不能已於言也

凡雜證有發熱者

皆有頭疼項強目痛鼻乾脇痛口苦等證何必拘為傷寒

局傷寒方以治之也

雜證原不必守定傷寒法但傷寒諸方加減出入雜證所不能外惟六味

則斷斷無治雜感之理也

余於冬月正傷寒獨麻黃桂枝二方作寒鬱

治鬱亦

增出其餘但不惡寒者作鬱火治

鬱火另是一證非傷寒類也此二語專為

欲用逍遙散而設

此不佞之創論也聞之者孰不駭然吐舌及問

虞天民醫學正傳傷寒篇云有至人傳曰傳經傷寒是鬱

病如此亂道不知余一見之不覺竊喜以為先得我心之

同然及考之內經帝曰人傷於寒而傳為熱何也岐伯曰

寒氣外凝內鬱之理何之理二字腠理堅緻玄府閉密則氣

不宣通濕氣內結與濕何涉中外相薄寒盛熱生寒極生熱收

便不故人傷於寒轉而為熱汗之則愈則外凝內鬱之理

可知觀此而余以傷寒為鬱火者不為無據故特著鬱論

一篇此偽造內經又怪異之極者內經熱論云人之傷於

寒也則為病熱熱雖甚不死其兩感於寒而病者必

不免於死帝曰願聞其狀下文岐伯即以傷寒傳經及兩

感病狀分別言之明白詳悉何嘗有外凝內鬱等語偽造

經文無忌憚已極至云傳而爲熱尤不懂人事蓋傷寒第一日在太陽卽已發熱不必傳也故本經久爲熱論今改則字爲傳字彼固不知寒之何以爲熱所以上文造出有火無火等邪說也

鬱病論

內經曰木鬱則達之火鬱則發之土鬱則奪之金鬱則泄之水鬱則折之然調其氣過者折之以其長也所謂瀉之

內經五法之註乃出自張子和非啓玄舊文故多誤

無稽

之談隨口予旣改釋其誤又推廣其義以一法代五法自古而出可怪予旣改釋其誤又推廣其義以一法代五法自古從無一法可代幾法者若爾此書何止可代五神而明之法直以六味八味代諸自古以來萬病萬法也神而明之屢獲其效故表而書之蓋東方先生木木者生生之氣卽

火氣空中之火附於木中木鬱則火亦鬱於木中矣

在木中則

非空不特此也火鬱則土自鬱土鬱則金鬱而水亦鬱矣

然則非五鬱乃一鬱也此五行相因自然之理惟其相因也予以一

方治其木鬱則諸鬱皆因而愈一方者何逍遙散是也方

中惟柴胡薄荷二味最妙蓋人身之胆木乃甲木少陽之

氣何以只是肝氣尚柔軟象草穿地始出而未伸此時被寒

風一鬱何以鬱必即痿軟抑遏而不能上伸不能上伸則

下尅脾土而金水併病矣何以一病惟得溫風一吹鬱氣

即暢達蓋木喜風肝為風藏最惡者風反云喜風風搖則舒暢若寒風則

畏矣溫風者所謂吹面不寒楊柳風也木之所喜也柴胡

薄荷辛而溫者

柴胡薄荷非即風也真乃亂道

惟辛也故能發散

溫也故入少陽立方之妙如此其甚者方中加左金丸左

金丸止黃連吳茱萸二味黃連但治心火吳茱萸氣燥連黃

獨非寒藥乎且肝最畏燥者以風為燥氣又燥能傷血也

肝之氣亦燥同氣相求故入

肝以平木

同氣相求如何反能平之

木平則不生心火火不刑金而金

能制木不直伐木而佐金以制木此左金之所以得名也

此又法之巧者然猶未也一服之後繼用六味地黃加柴

胡芍藥服之以滋腎水俾水能生木

此處又要生水前後顛倒如此倘生水而

心火又旺銷鑊肺金左金又無用矣其意專爲要用六味而鬱證則六味斷斷難下所以立出生木一法來則六味又爲必用之方作

又爲必用之方作逍遙散者風以散之也地黃飲子者雨

以潤之也木有不得其天者乎此法一立木火之鬱旣舒

木不尅脾土且土亦滋潤無燥熯之病金水自相生予謂

一法可通五法者如此

必牽連說下方可一法代五法否則又要立一方矣

豈惟是

哉推之大之千之萬之其益無窮凡寒熱往來似瘧非瘧

惡寒惡熱嘔吐吞酸嘈雜胸痛脇脇痛小腹脹悶頭暈盜

汗黃疸痘痧氣殭泄等證皆對證之方也

一法可代諸雜病法推

而至於傷風傷寒傷濕除直中凡外感者俱作鬱看

一法可代

傷寒諸法余所謂不但一法可代五法凡天下萬病萬法俱可代者誠然哉誠然哉嗟乎古人治病不但病名之異者各有治法卽一病之中亦千頭萬緒種種各別乃竟以一方了之真喪心病狂之人也以逍遙散加減出入無不獲效如小柴胡湯四逆散羌活湯大同小異然不若此方之響應也神而明之變而通之存乎人耳所謂神明變通者倘一服卽愈少頃卽發或半日或一日又發總用六味也發之愈頻愈甚此必屬下寒上熱之假證鬱病本無此等其所以又轉此語者此方不宜復投當改用溫補之劑如專爲要用八味也陽虛以四君子湯加溫熱藥陰虛者則以六味湯中加溫熱藥甚者尤須寒因熱用少以冷藥從之用熱藥冷探之

法不則拒格不入非惟無益而反害之病有微甚治有逆從立機之士不須予贅

古方逍遙散 柴胡 薄荷 當歸 芍藥 陳皮

甘草 白朮 茯神

呂氏曰六味加柴芍亦立齋法也合逍遙散謂腎肝同治

但立齋去芍藥趙氏單用芍藥爲不同

二方同用芍無此理薛氏本庸醫之

首經此二人一表章尤悞人無盡矣

呂氏又曰以加味逍遙散六味丸治鬱自薛長洲始也

邪說

之然長洲之法實得之丹溪越鞠之芍藥卽逍遙之歸芍

也越鞠之蒼朮卽逍遙之白朮也越鞠之神麴卽逍遙之
陳皮也越鞠之香附卽逍遙之柴胡也越鞠之梔子卽逍
遙之加味也但越鞠峻而逍遙則和矣越鞠燥而逍遙則
潤矣此則青出於藍後來居上亦從古作述之大凡如東
垣之補中益氣比枳朮萬全無弊矣然豈可謂枳朮之謬
而禁不用哉此段議論不但明末庸醫之技量盡見而呂氏之分毫不曉亦和盤托出矣古人治病一
病有一病之方一方有一方之藥一藥有一藥之性一藥
增損方名卽別七情六淫各有專治譬如父子夫婦有天生
者有配合者分毫不可假借肉桂不容易以附子黃連
何得易以石膏此醫道之所以難也今云此藥卽可當某
藥倘有人曰某人卽我之父也某人卽我之夫也人盡以
爲亂倫矣爲此說者於古人治病之法立方之義用藥之

妙何嘗
夢見哉

醫貫砭卷上終

醫貫砭

卷上

五